



TOSHKENT DAVLAT YURIDIK UNIVERSITETI REKTORINING BUYRUG‘I

15.04.2024

234-tm-son

Talabaga hayfsan e‘lon qilish to‘g‘risida

O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta‘lim va fanni tubdan takomillashtirish bo‘yicha qo‘shimcha chora tadbirlar to‘g‘risida”gi PF-5987-son Farmonining 2-bandiga muvofiq zamonaviy talablar, ilg‘or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta‘minlash yuridik ta‘lim va fanni yanada rivojlantirishning ustuvor yo‘nalishlaridan biri etib belgilangan.

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma‘naviy-axloqiy tarbiyalash, huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda. Shunga qaramasdan, ayrim talabalar tomonidan universitet Odob-axloq kodeksi hamda Ichki tartib qoidalari (ichki mehnat tartib qoidalari)ga rioya qilmasdan dars mashg‘ulotlarini uzrli sabablarsiz o‘tkazib yuborish holatlari kuzatilmoqda.

Universitet rektorining 2023-yil 31-maydagi “Toshkent davlat yuridik universitetining Ichki tartib qoidalarini yangi tahrirda tasdiqlash to‘g‘risida”gi 81-um-son buyrug‘i bilan tasdiqlangan TDYU Ichki tartib qoidalarining 83-bandi a) kichik bandiga muvofiq talaba dars mashg‘ulotlarini uzrli sabablarsiz 36 soat va undan ortiq qoldirganda hayfsan intizomiy chorasi qo‘llanilishi belgilangan.

Xalqaro huquq va qiyosiy huquqshunoslik fakulteti 1-kurs talabasi Nishonqulova Sevinch Rahmonqul qizi va fakultetning 1-kurs dars mashg‘ulotlariga qatnashishga ruxsat berilgan fuqaro Toshpo‘latov Alibek Ulug‘bek o‘g‘li 2023/2024 o‘quv yili bahorgi semestrda uzrli sabablarsiz 36 soatdan ortiq dars mashg‘ulotlarini qoldirgan bo‘lib, mazkur talabalarga nisbatan hayfsan intizomiy chorasi qo‘llash lozim bo‘ladi.

Yuqoridagilarni inobatga olib, universitet Odob-axloq kodeksi 27-moddasi va universitet Ichki tartib qoidalarining 54, 83-bandlariga asosan

BUYURAMAN:

1.Xalqaro huquq va qiyosiy huquqshunoslik fakulteti 1-kurs talabasi Nishonqulova Sevinch Rahmonqul qizi va fakultetning 1-kurs dars mashg‘ulotlariga qatnashishga ruxsat berilgan fuqaro Toshpo‘latov Alibek Ulug‘bek o‘g‘liga 2023/2024 o‘quv yili bahorgi semestri davomida uzrli

sabablarsiz 36 soat va undan ortiq miqdorda dars mashg'ulotlarini qoldirganliklari uchun hayfsan intizomiy jazo chorasi qo'llanilsin.

2.Xalqaro huquq va qiyosiy huquqshunoslik fakulteti dekani (D.Umarxanova);

mazkur buyruq bilan fakultet talabalarini tanishtirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

uzrli sabablarsiz dars mashg'ulotlarini muntazam ravishda 20 kundan ortiq qoldirganda talabalar safidan chetlashtirilishi to'g'risida ogohlantirilsin.

3.Mazkur buyruq bajarilishini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

B.NORMATOV



Kelishildi:

Boshqarma boshlig‘i

S.BOZAROV



Direktor

SH.PO‘LOTOV



Katta yuriskonsult

A.TURSUNOV

